

四庫全書存目叢書編纂委員會編


齊魯書社

四庫全書存目叢書

史部
第一七〇冊

責任編輯：孫言誠 賀 偉

ISBN 7-5333-0535-3



9 787533 305352 >

5577/0

四庫全書存目叢書·史部一七〇

（大陸版·限中國大陸發行）

四庫全書存目叢書編纂委員會編

齊魯書社出版發行

（濟南經九路勝利大街）

廣東精裝印務有限公司印製

787×1092 毫米 16 開本 46.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一七〇冊目次

史部·地理類

大明一統名勝志二百八卷目錄一卷(四)

〔明〕曹學佺撰
中央民族大學圖書館藏明崇禎三年刻本

.....一

今古輿地圖三卷

〔明〕吳國輔 沈定之撰
中國科學院圖書館藏明崇禎十六年刻朱墨套印本

.....五九三

大明一統名勝志二百八卷

目錄一卷(四)

〔明〕曹學佺撰

中央民族大學圖書館藏明崇禎三年

刻本

附《四庫全書總目·輿地名勝

志一百九十三卷》提要

四川名勝志卷之十九

夔州府二

巫山縣在府城東百三十里

閩中曹學佺能始撰

中央民族大學圖書館藏

楚之郡秦漢之縣皆以巫名曰巫山自隋始治南
有山如其字也晉曾置建平郡于此○經云江水
又東烏飛水注之注云水出天門郡渡中縣界北
流逕建平郡沙渠縣南又北流逕巫縣南西北歷
山道三百七十里注于江謂之烏飛日本志云烏
飛巖在縣西南四十里與燕子坡相對宋夔守王
四川名勝志卷之十九 一 鄧縣
十册詩燕子歸期近吾今亦得歸烏栖一枝穩何
必更高飛自注云隔江有烏飛巖也○經云江水
又東逕巫縣故城南注云縣故楚之巫郡也秦省
郡立縣以隸南郡吳孫休分爲建平郡治巫城城
緣山爲墉周十二里一百一十步東西北三面皆
帶傍深谷南臨大江故謂之夔國也寰宇記云梁
武帝廢建平郡而巫縣存縣本夔子熊肇所治今
多熊姓西北五十步有陽雲臺高一百二十丈南
枕長江楚宋玉賦云遊雲陽之臺望高唐之觀晉
孟康注曰言其高出雲之陽也本志云陽臺山下

有土主廟其神卽唐張巡將雷萬壽縣之跳石人也史載令狐潮益兵圍雍丘巡使郎將雷萬春于城上與潮相問語未絕賊弩射之面中六矢而不動潮疑其木人使謀問之乃驚遁謂巡曰向見雷將軍方知足下軍令矣○陸游入蜀記云二十四日早抵巫山縣在峽中亦壯縣也隔江南陵山極高大有路如綫盤屈至絕頂謂之一百八盤蓋施州正路黃魯直詩云一百八盤勢手上至今歸夢繞羊腸又減字木蘭花調云春水茫茫欲渡南陵更斷腸今有南陵渡矣志云廢南陵縣與陽臺相

四川名勝志

卷之十九

二

西

宇纔半存按此豈卽周益州墓耶○戰國策蔡靈侯飲茹溪見莊辛幸臣論溪水流入城外五十步東井志云東井在北城外茹溪俗名小溪也○經云江水又東巫溪水注之注云溪水導源梁州晉興郡之宜漢縣東入南逕建平郡泰昌縣南又逕北井縣西溪水又南屈逕巫縣東縣東北三百步有聖泉謂之孔子泉其水飛清潔石穴並高泉下注溪水溪水又南入于大江王梅溪集云縣東半里孔子泉其旁民居童子率能書詩云巫山亦有泉可飲仍可祈泉傍人幾家聰慧多奇兒○經云

四川名勝志

卷之十九

三

西

水也郭仲產云按地理志巫山在縣西南而今縣東有巫山將郡縣居治無恒故耶三峽七百里中兩岸連天略無關處重巖疊嶂隱天蔽日自非亭午夜分不見曦月至子夏水襄陵沿沂阻絕王命急宣有時朝發白帝暮到江陵其間千二百里雖乘奔御風不以疾也春冬之時則素湍綠潭迴清倒影絕巘多生煙栢懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屢引淒異空谷傳響哀轉久絕故漁者歌曰巴東三峽巫峽長猿鳴三聲淚沾裳○峽中有十

四川名勝志

卷之十九

四

二峰曰望霞翠屏朝雲松巒集仙聚鶴淨壇上昇起雲飛鳳登龍聖泉其下卽神女廟范成大吳船錄云下巫山峽三十五里至神女廟廟前灘尤洶怒十二峯俱在北岸前後映帶不能足其數十二峯各有名俱不甚切所謂陽臺高唐觀人云在來鶴峰上亦未必是神女事據宋玉賦本以諷襄王後世不察一切以兒女褻之今廟中石刻引塘城記瑤姬西王母之女稱雲華夫人助禹驅神鬼斬石疏波有功見紀今封妙用真人廟額曰凝真觀入蜀記云二十三日過巫山凝真觀請妙用真人

福真人卽世所謂巫山神女祠正對巫山峰巒上入霄漢山脚直挿江中議者謂太華衡廬皆無此奇然十二峰者不可悉見所見八九峰惟神女峰最爲纖麗奇峭宜爲仙真所託祝史云每八月十五夜月明時有絳竹之音往來峰頂上峰頂猿皆鳴達旦方止廟後山半有石壇平曠傳云夏禹見神女授符書于此壇上觀十二峰宛如屏障是日天宇晴霽四顧無纖翳惟神女峰上有白雲數片如鸞鶴翔舞徘徊久之不散亦可異也祠舊有鳥數百送迎客舟自唐幽州刺史李貽詩已云群鳥

四川名勝志

卷之十九

五

李肸餘矣近乾道元年忽不至今絕無一鳥不知其故○經云江水歷峽東逕新崩灘注云此山漢和帝永元十三年崩晉太元二年又崩當崩之日水迤流百餘里湧起數十丈今灘上有石或圓如輦或方似屋若此者甚衆皆崩崖所損致怒湍流故謂之新崩灘其類崖所餘比之諸嶺尚爲疎桀吳船錄云自神女廟二十里至東奔灘高浪大渦巨扁掀舞不常一葉或爲渦所使如磨之旋三老挽招竿叫呼力爭以出渦矣○水經注云新崩灘下十餘里有大巫山非唯三峽所無乃當抗峰岷

峨嵋嶺嶺嶺其翼附群山並聚青雲更就霄漢辨其優劣矣神血涂所處山海經曰夏后啓之臣曰血涂是司神于巴巴人訟于血涂之所其衣有血者執之是謂生居山上郭景純云在丹山西丹山在丹陽屬巴丹山西卽巫山者也又帝女居焉宋玉所謂天帝之季女名曰瑤姬未行而亡封于巫山之臺精魂爲草寔爲靈芝所謂巫山之女高唐之姬旦爲行雲暮爲行雨朝朝暮暮陽臺之下且早視之果如其言故爲立廟號朝雲焉其間首尾一百六十里謂之巫峽蓋因山爲名也○金石古

四川名勝志

卷之十九

木

文云巫山峰頂古篆乃秦時物邑人向萬云尚存集古錄云神女廟唐李吉甫詩一首以貞元十四年刻丘元素一首無刻石年月李貽孫二首會昌五年刻敬審一首元和五年刻沈初真書其他皆無書人名氏○漢樂府巫山高云巫山高高以大海水深難以逝我欲東歸苦梁不爲我集無高叟水何梁湯湯回回臨水遠望泣下沾衣遠道之人心思歸謂之何齊王融巫山高云想像巫山高薄暮陽臺曲煙霞乍舒卷蘅芳自斷續彼美如可期寤言紛在矚憮然坐相思秋風下連緣劉繪云高

唐與巫山參差鬱相望灼爍在雲間氛氲出霞上散雨收夕臺行雲卷晨障出沒不易期婢娟以惆悵梁武帝云張樂陽臺歌上調如寢如興芳曉暖容光旣豔復還沒復還沒望不來巫山高心徘徊元帝云巫山高不窮迴出荆門中灘聲下濺石猿鳴上逐風樹維山如畫林暗澗疑空無因謝神女一爲出房櫳簡文云巫山七百里巴水三迴曲笛聲下復高猿啼斷還續梁沈約云陽臺氤氲多異色巫山高高上無極雲來雲去常不息夢來遊極萬世度千秋虞羲云南國多奇山荆巫獨靈異雲

四川名勝志

卷之十九

七

雨麗以佳陽臺千里思勿言可再得特美君王意高唐一斷絕光陰不可遲梁費昶云巫山光欲晚陽臺色依依彼美巖之曲寧知心是非朝雲觸石起暮雨潤羅衣願解千金佩請逐大王歸范雲云巫山高不極白日隱光輝雷霧朝雲去漠漠暮雨歸崖懸獸無跡林暗鳥驚飛枕席竟誰薦相望空依依王泰云迢遞巫山疎遠天新霽時樹交涼去遠草合影開遲谷深流響咽峽近猿聲悲只言雲雨狀自有神仙期陳後王云巫山巫峽深峭壁聳春林風巖朝並落霧嶺晚緩吟雲來足夢枕雨過

非感琴仙姬將夜月度影自浮沈蕭詮云巫山映
巫峽高殊未窮猿聲不辨處雨色詎分空懸崖
下桂月深澗響松風別有仙雲起時向楚王宮隋
李孝貞云荆門對巫峽雲夢邇陽臺燎火如奔電
墜石似驚雷天寒秋水急風靜夜猿哀枕席無由
薦朝雲徒去來陵敬云巫岫鬱迢迢高高入紫霄
白雲閒抱石玄猿迴挂條懸崖激巨浪脆葉頹驚
颼別有陽臺處風雨共飄飄唐盧照鄰云巫山望
不極望望下朝氛莫辨啼猿樹徒看神女雲驚濤
亂水脉驟雨暗峯文霑裳卽此地况復遠思君劉
四川名勝志卷之十九 八
方平云楚國巫山秀清猿日夜啼萬重春樹合十
二碧峰齊峽出朝雲下江來暮雨西陽臺歸路直
不畏向家迷鄭世翼云巫山凌太清岩巒類削成
霏霏暮雨合霽霽朝雲生危峯入鳥道深谷瀉猿
聲別有幽栖客淹留攀桂情問立本云君不見巫
山高半天起絕壁千尋畫相似君不見巫山磕
匝翠屏開湘江碧水遶山來綠樹春嬌明月峽紅
花朝覆白雲臺臺上朝雲無定所此中窈窕神仙
女仙女盈盈仙骨飛清谷山沒有光輝欲暮高唐
行雨送今宵定八荆王夢荆王夢裏愛穠華枕席

初開紅帳遮可憐欲曉啼猿處說道巫山是妾家
喬知之云巫山十二峰參差互隱見潯陽幾千里
周覽忽已徧想像神女姿摘芳共珍薦楚雲何透
迤紅樹日蔥蒨楚雲沒湘源紅樹斷荆門郢路不
可見况復夜聞猿沈佺期云巫山峯十二合沓隱
昭回俯眺琵琶峽平看雲雨臺古槎天外倚瀑水
日邊來何忍啼猿夜荆王枕席開張九齡云巫山
與天近煙景常青煢此中楚王夢夢得神女靈神
女去已久白雲空冥冥惟有巴猿嘯哀聲不可聽
李白云江行幾千里海月十五圓始經瞿唐峽遂
四川名勝志卷之十九 九
步巫山巔巫山高不窮巴國盡所歷日邊攀垂蘿
霞外倚窮石飛步凌絕頂極目無纖煙卻顧失丹
壑仰觀臨青天青天若可捫銀漢去安在望雲知
蒼梧記水辨瀛海周游孤光晚歷覽幽意多積雪
照空谷悲風鳴森柯歸途行欲曛佳趣尚未歇江
花早啼猿松暝已吐月月色何悠悠清猿響啾啾
辭山不忍聽揮策還孤舟李端云巫山十二峰皆
在碧虛中迴合雲藏日霏微雨帶風猿聲寒過澗
樹色暮連空愁向高唐去清秋見楚宮張循之云
巫山高不極合沓狀奇新暗谷疑風雨幽巖若鬼

神月明三峽曙潮滿二江春爲問陽臺客應知八
夢人李沈云沒天心開地脉浮動凌霄拂藍碧裏
王端眸望不及似睹瑤姬長歎息巫粧不治獨西
望暗泣紅蕉抱雲帳君王妬妾夢荆官虛把金泥
印仙掌江濤迅激如相助十二樟龍怒行雨崑崙
謾有通天路九峯正在天低處李賀云巫山叢碧
高插天巴江翻瀾神火煙楚魂尋夢風颼然晚風
飛雨生苔錢瑤姬一去一千年丁香筇竹啼老猿
古祠近月蟾桂寒椒花墜紅濕雲間盧象云高唐
幾百里雲樹接陽臺晚見江山霽宵聞風雨來雷

四川名勝志

卷之十九

十

從三峽起天向數峰開靈境信難見輕舟那可迴
皇甫冉云巫山見巴東迢迢出半空雲藏神女館
雨到楚王宮朝暮泉聲落寒暄樹色同清猿不可
聽偏在九秋中戴叔倫云巫山我栽高插天危峰
十二陵紫煙瞿塘嘈嘈急如絃洄波波逆將覆船
雲梯豈可進百丈那能牽陸行巉巖水不前灑淚
向流水淚歸東海邊含愁對明月明月空自圓故
鄉回首思綿綿側身天地心茫然孟郊云巴江上
峽重復重陽臺碧峭十二峯荆王獵時逢暮雨夜
計高丘夢神女輕紅流煙濕艷姿行雲飛去明星

矜目極魂斷望不見猿啼三聲淚滴衣陳陶云玉
峰青雲十二枝金母和雲送瑤姬花宮磊珂楚宮
外列仙八面星斗垂秀色無雙怨三峽春風幾夢
裏王獵青鸞不在嬾吹簫斑竹題詩寄江安飄飄
散絲巴子天苔蒙玉響紅霞瞻歸時白帝掩青瑣
瓊枝草草遺湘煙羅隱云下壓重泉上千仞香雲
結夢西風緊縱有精靈得往來旂輓艇軒亦顛隕
嵐光變雙雷隱隱愁爲衣裳恨爲鬢暮灑朝行何
所之江邊日月情無盡珠零冷落丹墮楓細腰長
臉愁滿宮人生對面猶異同况在千巖萬壑中宋

四川名勝志

卷之十九

十一

蘇軾云瞿塘迤邐盡巫峽崢嶸起連峰稍可怪石
色變蒼翠玉工運神巧漸欲作奇偉塊比勢方深
結構意未遂旁觀不暇瞬步步造幽邃蒼崖忽相
逼絕壁凜可悸仰觀八九頂俊爽凌竄氣光蕩天
宇高朋騰江水沸孤起死不讓直拔勇無異攀緣
見神宇慈坐就石位巉巉隔江波一一問廟吏遙
觀神女容綽約誠有以俯首見斜鬟拖霞弄修蛾
人心隨物變遠覺令深忌野老笑吾旁少年嘗屢
至去隨猿狖上反以繩索試石筍倚孤峰突兀殊
不類世人喜神怪論說驚幼稚楚賦亦虛傳神仙

安有是次問掃壇竹云此今尚爾枝葉紛下垂婆娑綠鳳尾風來自偃仰若爲神物使絕頂有三碑詰曲古篆字老人那解讀偶見不能記窮探到峰背採斫黃楊子黃楊生石上堅瘦紋如網貪心去不顧淵谷千尋縋山高狼虎絕深入坦無忌洪濛草樹密蔥蒨雲霞膩石竇有洪泉耳滑如流髓終朝自盥漱冷冽清心胃浣衣桂樹梢磨斧就石鼻徘徊雲日晚歸意念城市不到今十年衰老勛力憊當時伐殘木牙葉已如臂忽聞老人說終日爲歎喟神仙固有之難在忘勢利貧賤爾何愛棄去

四川名勝志

卷之十九

十三

如脫屣嗟爾若無還絕糧應不死王安石云巫山高十二峰上有往來飄習之猿狖下有出沒潏潏之蛟龍中有倚薄縹緲之神宮神人處子冰雪容吸風飲露虛無中千歲寂寞無人逢邂逅乃與襄王通丹巖碧嶂深重白日如日明房櫳象牀玉几金芙蓉陽臺美人多楚語只有纖腰能楚舞爭吹鳳管鳴鼉鼓那知襄王夢裏事但見朝朝暮莫長雲雨范成大云濕雲不收煙雨霏峽船作灘梢廟磯杜鵑無聲猿叫斷惟有饑鴉迎客飛西真功高佐禹跡斧鑿鱗皴倚天堂上有瑤簪十二尖下

有黃龍三百尺蔓花卧太風煙昏蘇佩翠帷香火寒靈旂飄忽定何許時有行人開廟門楚客詞章元是諷紛紛餘子空嘲弄玉色頽顏不可干人間錯說高唐夢○唐王無兢巫山神女廟詩神女向高唐巫山下夕陽徘徊作雲雨婉孌逐周王電影江前落雷聲峽外長齋雲無處所臺館晚蒼蒼劉希夷云巫山幽陰地神女艷陽年襄王何容色落日望悠然歸來高唐夜金釭燭青煙願想卧瑤席夢魂何翩翩搖落殊未已榮華倏徂遷愁思滿湘浦悲涼雲夢田猿啼秋風夜雁飛明月天巴歌不

四川名勝志

卷之一九

十三

可聽聽此益潏潏張九齡云庭樹日衰颯風霜未云兄駕言遣憂思乘興求相似楚國茲故都蘭臺有餘址傳聞襄王世仍立巫山祀方此全盛時豈無嬋娟子色荒神女至魂蕩宮觀啓蔓草今如積朝雲爲誰起崔塗云雙黛儼如顰應傷故國春江山非舊王雲雨是前身夢覺傳詞客靈猶福楚人不知千載後何處又爲神溫庭筠云黯黯閉宮殿森森陰薜蘿曉峯斜上色春水臉前波古樹芳非盡扁舟離恨多一叢斑竹夜環珮響如何張子容云巫嶺蒼蒼天際重佳期宿昔願相從朝雲暮雨

連天暗神女知來第幾峰李羣玉云寂寞古唐別
楚君玉人天上逐行雲停舟十二峰巒下幽佩仙
香半夜聞又云廟閉春山曉月光波聲四合樹蒼
蒼自從一別襄王夢雲雨空飛巫峽長王周云廟
前溪水流潺湲廟中修竹聲珊珊襄王一夢杳難
問晚晴天氣歸雲閑李商隱云巫峽迢迢舊楚宮
至今雲雨暗丹楓浮生盡戀人間樂只有襄王憶
夢中又云非關宋玉有微詞自是襄王夢覺遲一
自高唐賦成後楚天雲雨盡堪疑胡曾云楚國城
池颯已空陽臺雲雨過無蹤何人更有襄王夢寂
四川名勝志卷之十九 古

處訪高唐路入煙霞草木香山色未能忘宋玉水
聲猶似哭襄王朝朝暮暮陽臺下爲雨爲雲楚國
亡惆悵廟前無限柳春江空闕畫舫長宋蘇軾云
大江從西來上有千仞山江山自環擁慷慨富神
姦深淵鼉鼉橫巨壑蛇龍頑旌陽斬長蛟雷雨移
蒼灣蜀守降老蹇至今帶連環縱橫若無王蕩逸
侵人寰上帝降瑤姬來處荆巫問神容豈在猛王
座幽且閑飄蕭駕風馭弭節朝天開倏忽巡四方
不知道里艱古粧具法服遂殷羅煙鬟自神自奔
走維柰來趨班雲興靈樞聚雲散鬼神還茫茫夜
四川名勝志卷之十九 古

恐懼久無措稽首山下苦求助丹書玉笈世莫寬
指示文字相爾汝壁山洩江幸無苦庚辰虞余寔
相禹功成事定世莫知空山俄頃千萬古廟中擊
鼓吹長簫採蘭爲發蕙爲有玉生薦菱香飄蕭龍
勺取酒注白茅神來享之風飄飄荒山長江何所
有豈有瓊玉薦次寥神君聰明無我責爲我驅獸
攘龍蛟乘船入楚沔巴蜀瀆漩深惡秋水高歸來
無恙無以報山上麥熟可作醪神君尊貴豈待我
再拜長跪神所多范成大云凝真宮前十二峰兩
峰娟妙翠插空餘峯競秀尚多有白壁蒼崖無數
四川名勝志 卷之十九 七
重秋江漱石半山腹倚天削鐵荒行蹤造化鍾奇
蟲瑤巖真靈擇勝深珠宮朝雲未罷暮雲起陰晴
竟日長冥濛瑤姬作意送歸客一夜收絳乃回風
仰看館御飛檝過回首已在虛無中惟餘烏鴉作
使者迎船送船西復東吳宗旦云長江出蜀初入
荆巫山十二開翠屏雲華夫人王母女東朝海若
窺滄溟金銀宮闕照水府瓊壁瑤檻偉帝遊江靈
河伯隨班立龍女儒娥傍輦迎眼看日卿出陽谷
身乘氣躋返金城玉樓一似巫降起廳輪略爲巫
峰停鴻時沃天帝愛碩重瞳殛鯀禹嗣興悲風撼

石從空落落蒼崖自裂無人擎水工叫嘯愁白日猷
臣涕泣哀蒼山兩山攢束一遇聖心驚目駭遙乞
靈傳呼侍女詔侍從情授神策驅神兵黃魔被髮
導狂醫童律掉舌同虞唐朝雲暮雨滿空碧飛鶴
游龍翔太清卻疑魍魎逞妖怪披文寶鼎防依憑
律前面對鬼神問禹乃悟見虛空形昔師三元授
素書今領玄教居玉瑛定號雲華上宮王亦是西
華少陰精在人爲人人莫識在物爲物物莫名了
知真仙次于聖力披惘欸祈扣崩樓臺縹緲雲
玉觀闕截嶢飛瑤瓊抱關師子蚪綵髮啓途天馬
四川名勝志 卷之十九 七
垂朱纓靈官仙童澹容與毒龍猛獸光晶瑩瑤臺
燕坐疑玉質龍袞拂地傳真經汝功汝能幸及物
曰希曰夷猶未聆欲超大海颺爲馭欲度飛沙雲
作舩沙高無舩路將絕海濶無馭空難騰實書吾
來自寥廓伏讀汝可叱幽冥出入水火縛虎豹倒
插五星呼六丁回眸笑指丹玉笈素手捧出容華
綾水行乘舟山乘櫟巨石自擘川自平龍蟠蛇結
除毒螫巢穿穴墮蘇黎蒸山形半破餘斧迹鬼工
斬鑿非人程玄圭帝錫彰水德真人號位居紫庭
重瞳薦天付大寶上日若帝仍百齡藤蘿歲長蔭

古廟梅梁書飛縻鐵繩峽祠萬里跨江漢血食千秋如弟兄遂封真人行極妙遠配夏后功相仍云何肯入楚王夢作賦糊令宋玉矜廣寒弄姬月色瑩藐姑處于雪肌輕月開嬋娟窈窕繼尸雪呈體態入疎櫺身行天上渺無迹夢到人間客有情前賢撫實言語妙今我復以歌詩鳴晴嵐空翠不改色迴流縠水長相縈剪刀剪雲向空住掃竹掃葉隨風零仙人裁冠上玉砌仙女舉被掩金鈴衆峰翼張浮翠華國手圖畫傳丹青數從黃冠拜行殿甫逐祝史祠郊祠當堵文石白珞珞入門青蓋尚停

四川名勝志

卷之十九

十六

亭元臣授策功照耀小儒學道心精誠願聞秘訣換凡骨選參律輩騎長鯨唐韋云楚澤隱巫山翠壁開鴻濛萬流東長峽怒浪日簸春朝暉澹高唐巖阿閼彤宮眾思散煙霞榮光繞長虹恭聞雲華君少陰體冲融受道紫清闕飛化凌三空徜徉江海上千騎馳蒼龍羽節回天津中央弭肩峯悵惻下土人昏墊無所容實書授神禹百靈倏奔從蛟螭委鞭策山川與西東九州免爲魚遂成萬世功嗟余晚聞道遂心澈倥侗維舟垂崖邊再拜望遺蹤嶙峋山頭石雲衣尚溶溶縹緲玉瑛臺如在指

童律不可問至言誰證蒙首天壇下松翁悲風宋德之云靈均媒處姬吟意非法語粵若古高辛先俞委娥女兩美真必今參差會成阻女生願有家士仕期致主德昭昭從禮失那得取弟子頗自異昔契今離離公孫濤說嫉正爾困狎侮逸採姑射機轉弄離騷料笑心古先后嬌志雲外侶上述懷世知潔身幸親附中言天淵亘廣遠萬物祖別茲德不逮開聖是自輔進儀來羨門辭室界公聚太一禮既接神人儼相遇卒之志莫原煩怒辭拙述傾倒失所依聞暇不知處忠賢代所

四川名勝志

卷之十九

十九

味妙麗衆目眈微辭辱王惑說夢癡人誤高真秉元化昏墊閼下土平成啓文命臨降枉飛馭在楚俗則然借泰良自喻陳思懷抑鬱敏識殆天付感此致意深濟洛獨擬賦處姬洎重出鏤枕猶妄語騷詞信非經傳者無寡趣真游結習盡體道悽純素亟除魔魅想母重龍兒怒共聲拯民心塗人可爲禹范子長云峽山多奇峰擢秀推二六雲容盡天宇岡脉蹒地軸晨暉照粉黛宿雨留黛沐岷江寄徑來一帶幾縈曲巖隈着叢祠瑤席蔭嘉木古初奉帝命福地任司牧疏鑿佐夏后鬼神受要束

濟流建滄海明德被全蜀陋哉兒女見幽獨在空
谷甚者雕蟲人綺語詎流俗女媧補天手相望繼
高躅難以形色求矧乃夢寐瀆九章述明祀千載
起祇肅若爲女岐事天間綴篇牘靈均尚好奇何
怪門人王杖藜歛祠官采芹薦清稷斐章固無取
聊以誌巫祝何麒云舟師告我巫山下不見圖經
聞古語廟嘶白馬舞黔烏壁掛朱猿穴蒼鼠可憐
巫子分毛鬣豈有神仙飽葦茹我然沉木薦寒泉
作送迎章沐雲雨又云王札倚旋懷全楚羽帳淋
漓笑神女去去來來刺史詞朝朝暮暮高唐雨塵

四川名勝志

卷之十九

主

埋薜漬墉城銀斷石爛斑讀空廡蕭然生敬攝邪
心云是瑤姬曾佐禹冉居常云朝雲夕雨自虛無
玉笈親傳昏墊初夏后已通三峽水巴人誰省九
天書煙縹杳杳藏旌仗江月沉沉想珮裾千古文
章愁宋玉可無一字及其魚口吳世延十二峰詩
望霞峰云披圖占聖調雲華初見靈峯冠彩霞拂
拭塵容開眼膜舟人指點到仙家翠屏峰云四合
藤蘿羽葆垂遠煙蒙覆畫屏圍青冥向上凝神望
似叩天關第二扉朝雲峰云清晨縹緲結層陰掩
映真靈洞府深不是名書丹玉笈上清宮闕若相

尋松巒峰云無名草木易彫零獨立盤雲偃蒼青
怪是雪霜深蔽翳也應根抵有精靈集仙峰云左
隣白帝右紅崖中有瑤池阿母家笑飲蟠桃丹樹
下一杯時興醉流霞聚鶴峰云方憐病羽困樊籠
仰見胎禽啖遠空明月不知縹緲夜一聲聲入白
雲中淨壇峯云巍巍盤石拔天成拂拂脩篁助潔
清一息齋宮渾不寐九霄聞微步虛聲上崑峰云
蓬萊方丈濶滄溟高揖松喬此得朋白日青天殊
不遠瑤臺玉闕一層層起雲峰云油然膚寸起叢
霄變化須臾雨沈寥舒卷無心神莫測去來誰謂

四川名勝志

卷之十九

主

帝鄉遙栖鳳峰云碧梧脩竹翠微間刷羽朝陽不
可攀寄跡雲林飛有處會巢阿閣邇天顏登龍峯
云三分泉下九淵深直上青螺碧玉林惟得風雲
長庇護有時飛作旱天霖聖泉峰云白崖一注瀉
青雲練帶縈迴玉溜奔醜毒宴安人不覺誰知此
物養靈根哀說友巫山十二峯云平生磊塊山林
姿一丘一壑食成癡寸峰拳石瞥眼過張皇攫覓
惟憂遲東南佳山多秀麗就中所欠雄與奇飽聞
巫山冠巴峽奇峰十二相參差昔年圖畫嘗一見
欲見此山無路之扁舟西泝上三峽千巖萬壑爭

追隨終朝應接已不暇心目洞駭俱忘疲焉然鍾鼓高唐上峰巒二六排旌旗一峰霞彩洞在望一峰展翠開屏帷無心出岫雲吐色儼蓋平巒松並枝仙蹤鶴駕羽衣近壇石瑤臺間闕低白雲一起鳳凰下清泉四合蛟龍嬉翠峯角立變態異一一大巧乾坤爲外堪擊相試聲律中令造化分四時天下名山亦多矣未有刻岫奇如茲間伯敏十二峰詩望霞峰云東皇君來流曉霞暮看西北王母家雲華夫人王母女肯爲廟食留三巴翠屏峰云秋山黃落春山青不識仙家雲錦屏六銖天衣下

四川名勝志

卷之十九

三

拂石香風馥郁朝真亭朝雲峰云山頭行雲自朝朝陽臺暮色連雲宵朝來暮去變雲雨送老行客無回撓松密峯云舟船搖擺大巫前松間絲蘿望經綿屏風角轉恰匝背心在山頭人倚船集仙峯云綠簑鞋紫青行經束薪緼火開山田雲間仰聽仙佩響蓬鬢柳棕燒命煙聚鶴峰云望夫石女春復秋巴歌楚舞隨遨頭夜深九臯清喚響仙禽亦替離人愁淨壇峰云山頭枝枝竹掃壇舟子竹枝歌上灘煙香上廟柳杯玳但乞如願舟平安上升峰云黃魔白馬功告成雲華夫人朝玉京禹王夏

后引音節高低映船搖櫓聲起雲峰云飯頭廟山花枝裙尾舊纈山麻衣朝隨雲起采薪去暮起女伴穿雲歸栖鳳峰云山頭鳳鳴來其凰山前家背鳳篁竹花結實未忍食刀啡火種五里香登龍峰云散而成章合爲龍回風混合游鴻濛舟人上下神女供俗糖餅粉臘脂紅聖泉峰云靈源一派瑤池分灑落掉石隨東奔楚人但愛香溪水溪邊爲有昭君村

梁山縣

在府城西六百里

邑名高粱又曰都梁皆因山也寰宇記云高粱大山在縣北四十里東尾跨江西首劍閣凡數千里

四川名勝志

卷之十九

三

三

山嶺長峻其峰崔嵬于蜀市望之若長雲垂天須窮日行乃極其頂俯視衆山泯若平原劍閣銘所謂巖巖梁山積石叢叢者也○輿地紀勝云都梁山又名高都在縣治北十五里舊有高都驛乃天寶進荔枝之路山壤腹而黃其民多業種薑○郡國志云本漢胸臆縣地後魏廢帝分胸臆置魚泉縣今縣又分白魚泉者魚泉以丙穴嘉魚爲名尋江源記云丙穴有嘉魚其味甚美穴水出栢枝山距今縣東南十五里○五代僞蜀于梁山縣置務

日石民屯田務宋開寶初土豪石處贊納庄田八所遂廢田務移縣于此因陞爲軍劉煥題名序曰稻田蕃廩常多豐年矣○紀勝云垂雲樓在子城之北左瞰萬石右倚東山景物奇麗峽中未有又

有瑞豐亭陸務觀詩峽中地偏常苦貧政令愈簡

民愈淳本來無事只畏擾擾者才吏非庸人都梁

之民猶無苦須晴得晴雨得雨父老羅拜豐年賜

縱產芝房非上瑞○方輿勝覽云峰門山在治東

十五里其山高大頂有寒泉兩壁對峙如門故名

又五里爲蟠龍山嶺時秀傑突出出衆山之上下有

四川名勝志卷之十九

雲

雲

二洞洞有二石龍首尾相蟠故名旁曰噴霧巖洞中之泉下注懸巖約二百餘丈噴薄如霧張無盡留題云水味甘腴偏宜煮茗非陸羽莫能辨范石湖以爲天下瀑布第一有飛練亭與之相對舊取徐凝詩句東坡以爲惡乃易名飛雪亭蓋歐陽公所稱六月飛雪灑石缸也○沿翁飛雪亭詩云自荆入蜀路險絕黑猿聲中膽欲折萬州江頭舍舟楫又懸擔簦窮岷嶺危燈連雲如積鐵亂石砥足十九跌僕夫流汗馬止舌遙望盤龍挂天脅懸瀑落崖噴霏屑中間有亭曰飛雪十里陰風寒入髮人

言此地無六月呼取六斗醪甘案一顧令君清肉熱任以壬子歲再過此作詩云春水三年別寒聲十里聞鶯花流出洞樹石崖成文有意同高潔無心作使君前車行度險余三坐餐鹽口蟠龍洞古碑云張十爲蜀將先王改置陵諫不聽乃入山修真遇熊叟自稱鳴夷人授之丹訣得道○碑曰云舊梁山驛碑在治東四十里者舊相傳李唐時有白虎蛟龍爲民害民至遷居以避韓昌黎嘗按部經行二害乃去作碑識之今名其地爲碑切碑猶存于溪側字漫滅不可復識又有唐碑題云令長

四川名勝志卷之十九

雲

雲

雲

新誠之記乃明皇御製梁山令尹茂元得于萬州守河東裴公而刻之蓋大中十年也嘉定丁卯郡守李錫移于軍治其詞云我求令長保又下民民之不安必有所因侵漁竄廣賦役不均使夫離散莫保其身徵諸善理寄爾良臣與之革故政在維新調風變俗背僞歸真教化爲先惠卹于貧無小無大必躬以親青旌勸農孰不攸遵曷云彼之我澤如春此碑在舊驛中今不存○勝覽云書院峽在治東五十里峽石市之北每風雨冥冥如聞讀書聲故其中有夫子崖于貢嶼峽下有夫子坐卧